

Zastupnik u Skupštini Kantona Sarajevo

Elvis Vreto

Datum: 04.04. 2022. godine

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vlada Kantona Sarajevo

Ministarstvo komunalne privrede, infrastrukture, prostornog uređenja, građenja i zaštite okoliša
JU za zaštićena prirodna područja Vrelo Bosne
Općina Ilidža

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu i Javnoj ustanovi **upućujem INICIJATIVU ZA USPOSTAVU POSEBNOG SPORAZUMA SA OPĆINOM ILIDŽA KOJIM ĆE BITI DEFINISAN PROGRAM NAČINA UPRAVLJANJA I ODRŽAVANJA PROSTORA STOJČEVCA NAKON PRVE FAZE UREĐENJA KOJE SE TRENUTNO PROVODI:**

1. Tražim od Vlade KS/Ministarstva komunalne privrede, infrastrukture, prostornog uređenja, građenja i zaštite okoliša da kreira i odobri a JU za zaštićena područja Vrelo Bosne potpiše sporazum sa Općinom Ilidža o trenutnom i budućem načinu upravljanja i održavanja Stojčevca kao dijela teritorije zaštićenih područja u KS.
2. Sporazum treba da definiše Općinu Ilidža kao nosioca/partnera kod načina upravljanja i održavanja prostora sa datim pravima uz nadzor JU "Vrelo Bosne" što će biti preciznije uređeno navedenim sporazumom.

Obrazloženje

Nakon 25 godina prostor Stojčevca se uređuje u prvoj fazi, prije svega na osnovu moje pokrenute inicijative a zatim i izdvojenih sredstava u iznosu o 200 hiljada za prvu fazu

uređenja. Planirana sredstva podrazumijevaju čišćenje prostora, uređenje šetnica, hortikulturno uređenje zelenih površina, postavljanje rasvjete, klupa, kanti za smeće, konzerviranja devastiranih objekata, obnovu dječijeg igrališta itd.. Nakon 25 godina na osnovu prava na upravljanje JU je krenula u realizaciju.

Uključila se i Općina Ilidža kroz planiranje vlastitih sredstava u budžetu shodno nadležnostima obzirom da se prostor nalazi na njenoj teritoriji a zatim i direkcija za ceste KS i JU u dodatnim iznosima koji je ukupno dostigao nivo od oko 800 hiljada KM. Radovi na prvoj fazi uređenja se u punom jeku, postavljane je rasvjeta, rekonstruišu se pristupne ceste, kao i unutrašnji prostor Stojčevca prema planiranim aktivnostima.

Obzirom da se radi o značajno velikom prostoru i da je neophodno isti u budućnosti pored trenutnih ulaganja i na kvalitetan način urediti po pitanju kapaciteta za upravljanje i održavanje, smatram navedeni sporazum neophodnim, Pored Kantonalnih institucija, posebno i pohvalno ističem uložene napore i želju Općinskog rukovodstva Ilidže na čelu sa načelnikom Nerminom Muzurom i Općinskim vijećem da aktivno kako u finansijskom tako i tehničkom smislu preuzme i upravljanje kao glavni nosilac/partner u aktivnostima održavanja.

Tražim da Vlada KS razmotri inicijativu i što prije krene u njenu realizaciju.

S poštovanjem

Elvis Vreto

Zastupnik u Skupštini Kantona Sarajevo

Narod i Pravda